

## TABURAN ADAT LUAK JELEBU

Hidup di-kandung Adat, Mati di-kandung Bumi. Adat dalam rangkaian kata adat perpatih ada-lah satu istilah yang pada hari ini selalu memberi tafsiran maksudnya yang mengelirukan. Ini ada-lah kerana istilah itu sendiri mempunyai maksud yang amat luas. "Adat berpangkal ka-bumi, adat berpuchok ka-langit. Adat Perpatih, Chinchang di-beri pampas, Mati-di-beri balas", Anak di-panggil makan anakbuah di-sorong balas. Mithal-nya istilah adat itu telah dan sedang di-gunakan orang untuk memaknakan yang mereka sayang akan-nya hingga timbul-lah perbilangan ini, "Biar mati anak jangan mati adat". Mati anak menangis ibu bapa-nya maka mati adat menangis-lah seluruh negeri. Dalam taburan-nya misti-lah berpandukan:- "Usul, usul, asah, asal, Asas jangan di-tinggalkan. Sakit bermula mati bersebab. Kata berasal hujan berpohon." Huralan-nya selidek dan siasat. Marah berjalan. Di-chari atau di-usuli darimana mula terbit-nya satu2 kejadian yang hendak di-adatkan itu sama ada pergaduhan atau penyelesaian atau sabagai-nya. Kalau hendak membuat sesuatu penyelesaian dalam sa-suatu pergaduhan selalu-nya di-mulakan dengan panduan ini.

Adat Perpatih dalam ertikata-nya yang sabenar bukan maana-nya ada-lah suatu kumpulan undang2, jikalau boleh di-panggil undang2 yang tiada bertulis tetapi di-terima dengan baik oleh seluruh anggota masyarakat itu sendiri. Ia-nya ada-lah kumpulan perbilangan yang telah di-turunkan dengan perantaraan mulut dari ibu kepada anak semenjak beberapa kurun. Adat2 ini-lah yang mengawal gerak geri dan tata tertib masyarakat itu, ada-lah berdasarkan Undang2 Alam dan Sifat Perangai maanusai (Law of Nature). Susunan adat Perpatih ada-lah terbahagi kepada tiga bahagian ia itu adat semata2, adat yang teradat, dan adat yang di-adatkan. Dalam susunan adat perpatih ha-nya adat semata2 ini sahaja yang tidak bisa di-tukar ganti.

Ada pun adat semata2 itu kalau di-buat akan mendapat kebajikan dan kalau tidak menunaikan-nya ada-lah salah dan pada garis kasar-nya boleh di-katakan bahawa adat semata2 itu ada-lah sabagai hukum wajib dalam shara' ia itu mendapat pahala kalau mengerjakan-nya dan salah (Berdosa) kalau melanggar-nya. Di-antara perkara2 yang di-katakan adat semata2 dalam susunan adat perpatih itu ia-lah seperti ayer mengalir ka-kuala, Alam beraja, Luak berpenghulu suku bertua, dan anakbuah beribu-bapa. Ini ada-lah di-antara beberapa adat semata2 yang tidak biasa di-ubah dan di-tukar ganti itu. Dengan ini-lah timbul-nya perbilangan ini. Adat bersendikan hukum, hukum bersendikan Kitabullah. Adat ta' lapok dek hujan, ta' lejang dek panas.

Maka ada pun yang di-katakan adat yang teradat itu ia-lah seperti soal nikah kahwin, soal bersalin, bechukor anak, menyalang dan mengenal anak menantu. Adat2 sa-macam ini, tidak salah kalau tidak di-jalankan oleh anak buah, tetapi mendapat kepujian kalau menjalankan-nya. Apa2 yang teradat ini biasa di-ubah dan di-tukar ganti mengikut keadaan zaman asalkan mendapat muafakat dari suku dan puak2 itu sakalian. Adat itu ada-lah kepunyaan seluruh masyarakat itu. Oleh sebab itu maka sa-sa-orang itu tiada boleh berbuat sakehendak hati-nya sendiri. Mereka terpaksa menurut kehendak adat itu jikalau mereka ingin hidup di-dalam masyarakat itu. Memandang kepada betapa penting-nya adat kepada masyarakat itu maka orang2 dulukala rela mengurbankan anak kandong mereka sendiri jikalau anak telah melanggar adat. Ini ada-lah di-dapati dari perbilangan yang berkata, Biar mati anak jangan mati adat.

Adat ada-lah menjaga ketenteraman masharakat itu, tetapi anak itu jikalau berjiwa tanggung jawab menjaga ketenteraman ibu bapa-nya sahaja. Oleh mementingkan masharakat daripada diri sendiri maka orang2 dulukala rela memutuskan tali jantong mereka sendiri agar jangan perbuatan itu merosakkan masharakat seluruhnya seperti kata kiasan, Sebab nila sa-titik rosak susu ka-belanga, Lain Lubok Lain ikan, Lain padang lain belalang. Sa-orang Ahli ilmu jiwa pernah mengatakan bahawa maanusia itu ada-lah pada mula asal-nya berkelakuan kasar dan semula jadi-nya ber-sifat tamak, tetapi apabila mereka telah mula berkediaman di-dalam suatu kumpulan atau masharakat maka dengan sendiri-nya mereka menyerahkan kebebasan mereka itu kepada suatu badan yang di-beri kuasa penuh yaitu kerajaan dan pada adat per-pateh pemegang adat itu-lah kerajaan-nya dan adat itu-lah undang2 kerajaan-nya. Badan itu ada-lah bertanggung jawab untuk menjaga keselamatan dan keadilan terhadap mereka. Sebalik-nya mereka ia itu anak2buah serta buapak dan lembaga-nya ada-lah ber-kewajiban untuk menurut segala perintah adat itu atau pun kuasa-nya itu. Adat per-pateh yang di-pakai oleh kebanyakan daripada penduduk2 Negeri Sembilan dan juga sa-bahagian daripada Melaka ada-lah berasal dari tanah Saberang, Minangkabau, Sumatra. Ini di-bawa oleh nenek moyang kita yang membuka negeri ini.

Oleh lama-nya perpisahan itu berlaku maka adat2 yang di-dapati di-kedua2 wilayah ini ada-lah banyak perbedzaan-nya. Ini ada-lah di-sebabkan oleh masa dan keadaan di-sakililing-nya. Bukan sahaja perbedzaan itu di-dapati di-antara Sumatra dan N. Sembilan bahkan di-Negeri Sembilan sendiri ada perbedzaan itu di-antara daerah2 atau luak yang memakai Adat Per-pateh itu sendiri. Perbedzaan ini bukan-lah pada dasar-nya tetapi ada-lah pada pembawaan-nya adat itu sahaja yaani berbedza tentang hak2 asasi masing2 itu sahaja. Ini mengikut chara kegunaan-nya adat itu di-tempat-nya. Di-Jelebu dato'2 yang berkenaan chuma menasihatkan anakbuah-nya dalam per-kara adat agar jangan terjadi beberapa perkara yang tidak di-ingini. Ada pun maksud yang utama di-dalam Adat Per-pateh itu ia-lah ketenteraman keseluruh-nya. Ini meliputi dari keluarga sampai kepada seluruh negeri.

Oleh itu maka hendak-lah orang yang membawa adat per-pateh itu beringat jangan pembawa adat itu mengakibatkan perpechahan dan permusohan. Sebab itu-lah maka selalu di-dapati bahawa beberapa perkara telah berjalan dengan baik-nya dengan tiada mengikut adat yang sabenar, ini ada-lah berdasarkan perbilangan yang berbunyi "Bulat ayer dek pemetong, Bulat maanusia dek muafakat. Muafakat ada-lah dasar yang utama bagi sesuatu adat itu. Jikalau tidak muafakat masakan adat itu, dalam perkara ini undang2 juga boleh di-jalankan. Untok mengelakkan beberapa perkara yang tiada di-ingini berlaku akibat dari pembawaan adat itu maka roang2 dahulukala telah mem-bekalkan beberapa perbilangan untok menjadi pedoman dalam menyelesaikan yang kusut dan menjernehkanyang keroh seperti di-katakan tadi. "Di-anjak layu di-anggur Mati". Adat Per-pateh itu ada-lah adat Saka- Adat yang mengikut keturunan dari sa-belah ibu. Dengan ini maka si-anak itu ada-lah mewarithi si-ibu-nya bukan si-bapa. Dengan maksud ini maka adat itu telah dapat mengatasi beberapa kesulitan hidup di-dunia moden ini. Juga adat itu telah menyelamatkan masharakat itu daripada pengaruh kebendaan dan kekejaman, masharakat moden. Adat semata2 ia-lah umpama Ayer mengalir, Alam beraja, Luak Berpenghulu, suku bertua, anakbuah beribubapa, itu sahaja yang tidak boleh di-tukar ganti.

Saperti kerajaan yang telah ada dalam dunia ini Adat Per-pateh juga mempunyai perlembagaan sendiri. Ini ada-lah mengikut dasar adat SAKA yang tersebut di-atas tadi. Sungguhpun dasar adat yang di-pakai di-seluruh Negeri Sembilan dan sabahagian negeri Melaka sama tetapi perlembagaan-nya ada-lah berbedza. Ini mengikut tempat-nya. Di-Jelebu suatu badan yang di-panggil Tiang Balai tidak ada seperti yang di-

dapati di-Luak yang Lain<sup>2</sup>. Badan yang serupa kuasa-nya dengan ini ada-lah di-  
penohi oleh "Orang Delapan" atau Dato'<sup>2</sup> Delapan. Dato' Delapan ini ada-lah Tua bagi  
warith<sup>2</sup> dan suku<sup>2</sup> yang mula<sup>2</sup> di-abadikan di-dalam Luak Jelebu itu. Mereka<sup>2</sup> ada-lah

- |   |  |
|---|--|
| 1. Dato' Menteri,<br>Sah Mangku Alam Raja Sahari. | Tua Warith Menteri<br>Biduanda Sasilah.            |
| 2. Dato' Mengiang Merah Bangsa.                   | Lembaga Suku Mungkal.                              |
| 3. Dato; Chinchang,<br>Maharaja Lela.             | Lembaga Suku Tanah Datar.                          |
| 4. Dato' Senara Angsa.                            | Lembaga Suku Batu Belang.                          |
| 5. Dato' Ombi,<br>Pangkal Maharaja Lela.          | Tua Warith Ombi<br>Biduanda Sasilah.               |
| 6. Dato' Raja Balang                              | Tua Warith Ulu Jelebu<br>Biduanda Warith Berundang |
| 7. Dato' Paduka Menti                             | Tua Warith Sarin<br>Biduanda Warith berundang.     |
| 8. Dato' Maharaja Inda.                           | Tua Warith Kemin<br>Biduanda Warith Berundang.     |

Segala suku<sup>2</sup> dan warith<sup>2</sup> yang tersebut ada-lah mewakili adat dalam per-  
lembagaan-nya di-luak Jelebu; suku biduanda ada dua ia itu Suku Biduanda sasilah dan  
suku biduanda warith. Suku Batu Belang, Tanah Datar, Mungkal dan Tiga Batu. Suku  
Biduanda terbahagi kepada lima sabagai yang tersebut tadi ia itu warithsasilah dua  
dan warith Berundang tiga. Warith sasilah ia-lah warith menteri dan ombi dan warith  
berundang warith Ulu Jelebu, Sarin dan Kemin.

Sabagaimana yang telah teradat dan di-sahkan semua lima<sup>2</sup> warith itu ada-lah  
berhak menerima sara hidup bulanan yang di-terima-nya di-panggil duit hasil negeri  
atau kata adat-nya Lemak Tanah, akan hal warith sarin pula telah di-pechah dua dan  
satu pechahan daripada-nya tidak boleh mengadakan Beneh Undang sebab-nya  
ia-lah kerana Tua-nya yang pertama Dato' Raja Teras, telah membunuh sa-orang  
raayat Undang dengan tidak menghiraukan Undang.

Semua jabatan di-dalam perlembagaan adat perpateh ada-lah di-pilih, ini  
berdasarkan pusaka dan geleran. Dasar pusaka itu ada-lah menurut dasar warithan  
jabatan itu. Pusaka Undang di-warithi oleh Warith yang tiga, yaitu warith Ulu Jelebu,  
Sarin dan Kemin. Maka salah satu daripada warith yang tiga ini berhak menyandang  
pusaka Undang itu pada satu ketika, dasar giliran itu ada-lah mengikut atoran yang  
tertentu bagi menyandang pusaka itu yang di-rangka dari zaman purbakala bagi. Ada  
pun lantekan dato' Tua suku atau warith itu berdasarkan pusaka dan gileran juga.  
Tetapi di-sini pusaka itu terhad kepada ahli<sup>2</sup> suku atau warith itu sahaja, yaani yang  
berkenaan sahaja. Tentang gileran pula, ini kena kepada perut yang ada dalam suku  
atau warith itu. Ini ada-lah mengikut gileran yang tertentu juga di-antara perut itu.

Akan lantekan buapak pula, ini ada-lah berdasarkan pusaka sahaja. Ini ada-lah  
kerana ahli<sup>2</sup> di-dalam sesuatu perut itu ada-lah berasal satu sebab itu-lah maka  
istilah perut itu di-gunakan untuk maksud kumpulan itu. Dasar adat ia-lah ada ke-  
bulatan menjadikan, Tiada kebulatan menyerah. Kesemua lantekan ini hendak-lah  
dengan sebulat suara (Kebulatan). Jikalau ada yang membangkang lantekan itu maka  
lantekan itu gugur dengan sendiri-nya. Jikalau tiada juga mendapat kebulatan maka  
lantekan itu di-serahkan kepada yang di-atas-Tua kepada Undang, Buapak kepada Tua.  
Ini ada-lah kerana segala lantekan itu ada-lah untuk sa-umor hidup-nya, kechuali  
jikalau orang yang di-lantek itu melanggar adat itu sendiri. Pendek kata orang yang

di-lantek itu tiada boleh membuat sakehendak hati-nya kechuali mengikut kata dan tunjokkan adat juga.

Sa-orang Undang tidak boleh membuat menggubal atau menukar apa2 hal perubahan taburan adat dengan tidak mengemukakan perkara itu kepada Kabinet Adat-nya ia itu kepada Dato' Delapan yang ada kuasa memechat dan mengesahkan lantekan sa-sa-orang Undang itu dan juga dalam hal adat berkenaan segala pegawai2 di-dalam kabinet-nya juga. Ini hendak-lah dengan syarat senua mereka berkebulatan dalam apa2 chadangan mereka. Undang di-pilih bergeler2 mengikut susunanadat dariwarith yang tiga sahaja sabagai-mana di-bawah ini ia itu warith ulu Jelebu, warith sarin dan Kemin. Apabila sa-orang Undang Mangkat maka Dato' Menteri menjadi pemangku Alam Undang untok beradat dan menguruskan menchari ganti-nya. Yang termaalom ia-lah Undang Mangkat, Undang Menanamkan dan ini bermaana tanggung jawab segala dato2 menjunjong pesaka adat ada-lah berat dalam masa menyandang ia itu misti-lah mengkaji untok Bakal yang akan di-gantikan apabila sa-orang Undang itu mangkat dan bersama2 mendirikan adat maka dapat-lah menjalankan Tujokkan Adat Undang Mangkat Undang Menanam Bukan sabalek-nya.

Dato' Menteri sabagai pemangku Alam Undang sewajar-nya-lah mengendali kan dan memerintah kapada segala yang berkenaan dan perentah-nya pada hari itu di-panggil Sabda. Tugas Lembaga yang tiga mula-nya berlunas kapada Dato' Menteri dan memaalomkan untok menchari Undang yang baharu. Dato' Menteri apabila di-beritahu oleh lembaga yang tiga merujokkan permintaan lembaga yang tiga itu kapada Dato' Ombi sabagai Tali Pesaka dan Dato' Ombi misti menghubongi warith yang tiga geler siapa yang kena untok mengemukakan SA-ORANG bakal Undang. Dato' Ombi boleh dan berhak mengtauhui berkenaan pesaka bertali kapada kepala warith menyambut geler itu sahaja. Ia boleh mengupas latar belakang Bakal itu yang di-kemukakan oleh warith-nya, dari pada Lembaga yang tiga. Bila Dato' Ombi Puas hati dalam hal pesaka ia pun membawa Bakal yang di-kemukakan di-panggil Beneh pada Dato' Menteri untok di-istiharkan yaani menanam Beneh. Dato' Menteri boleh mengtauhui bertanya berkenaan adat bersabit dengan-bakal daripada warith itu mengupas hal2 adat-nya bertanya kapada lembaga yang tiga. Apabila mustaed ada-lah kewajpan Dato' Menteri mengemukakan Beneh itu kapada Majlis Adat Dato' Delapan berkebulatan menerima Bakal Undang itu untok di-istiharkan lantekan-nya dan keputusan itu ada-lah mu'tamat bagi Adat-nya. Peristiharan lantekan di-suarakan oleh Dato' Menteri Sah Mangku Alam Raja Sahari sabagai Halunan Sembah. Tiga tahun sakali orang delapan mengadap untok menjunjong sabda dan menyempurnakan kehendak2 adat mengikut susunan adat istiadat yang tertentu di-Luak Jelebu.

## KANUN ADAT LUAK JELEBU

PERLEMBAGAAN ADAT JELEBU TERSIRAT DALAM SIRATAN YANG TERTERA DI-BAWAH INI.

PERTAMA MENCHABUT, KEDUA BERTANAM, SAH SA-KATA, BERKEBULATAN DATO'2 YANG DELAPAN.

KATA BERCHARI KAPADA LEMBAGA YANG TIGA,  
YA ITU DATO' MENGIANG, DATO' CHINCHANG, DATO' SENARA.

TALI ADAT KAPADA MENTERI, TALI PESAKA KAPADA OMBI,  
SAH BATAL SURUT LALU UNDANG KAPADA WARITH-NYA.  
HIDUP MATI KAPADA UNDANG: GEMOK BERPUPOK SEGAR BERSIRAM KAPADA  
WARITH-NYA.

BILA WARITH ULU JELEBU MENJADI UNDANG,  
DATO' RAJA-BALANG TITIAN ADAT.

BILA WARITH SARIN MENJADI UNDANG,  
DATO' PADUKA MENTI TITIAN ADAT.

BILA WARITH KEMIN MENJADI UNDANG,  
DATO' MAHARAJA INDA TITIAN ADAT.

BILA ROSAK PESAKA BERTENGOK KAPADA DATO' OMBI, BILA ROSAK ADAT,  
BERTENGOK KAPADA DATO' MENTERI.

PATAH TUMBOH, HILANG BERGANTI, GANTI HIDUP BERKERELAAN, GANTI  
MATI BERKEBULATAN.

Untuk menjalankan pentadbiran adat ada-lah tugas masing2 di-dalam-nya.

### 1. DATO' LEMBAGA YANG TIGA.

Dato' Lembaga Yang Tiga ini mereka ada-lah di-pilih oleh anak2 buah dan buapak suku-nya dan buapak suku-nya itu pula oleh anakbuah-nya, mengikut gileran perut. Lembaga yang tiga berhak membuat aduan hal2 anakbuah dan adat, chadangan2 dan memohon untuk pilihan undang dan menjadi tanggung jawab-nya sabagai kata berchari. Dalam hal lain2-nya semua-nya misti di-buat-nya kapada Menteri sabagai Lunas Lembaga. Ia misti memikirkan segala2 hal2 yang datang dari lembaga itu dan mem-bawa perkara itu ka-atas jika di-fikirkan bersesuaian dan baik. Ini ada-lah kerja dan kewajipan lembaga yang tiga salain daripada ja ti Tua pada segala suku-nya itu.

### 2. DATO' MENTERI & OMBI.

Dato' Menteri ada-lah pemangku Alam Undang pada masa antara kemangkatan sa-orang Undang dan lantekan yang baharu. Ia di-bolehan mengetahui berkenaan adat bersabit dengan bakal undang, dari lembaga yang tiga untuk mengupas hal adat untuk lantekan undang baharu. Masa ada Undang ia-nya boleh membawa apa2 hal adat dari lembaga yang tiga ka-pengtahuan Undang sabagai kunci Undang ia-lah Menteri. Tetapi Menteri tidak di-bolehan memaalomkan kapada Undang Terus2an bersendirian, ia misti melalui Titian Adat. Dato' Ombi Tali Pesaka tempat berserempu-nya warith yang tiga memberi Boleh Bakal Undang. Ia-nya di-bolehan mengetahui fasal Pesaka sahaja dan bertanya kapada Lembaga Yang Tiga.

### 3. TITIAN ADAT.

Titian adat ia-lah Kepala Warith yang menyandang Pesaka Undang Pada masa itu. Ia akan membawa apa2 bawaan atau aduan adat atau persembahan Menteri ka-pengtahuan Undang, dan jika perkara-nya sangat berat, memanggil semua warith-nya bersama. Warith undang akan memikirkan sama ada mereka patut menyokong undang berkenaan dengan hal yang di-adukan, atau di-surot dalam membuat satu2 rancangan ataudasar sabagai gemok berpupok segar bersiram atau membantu-nya jika di-fikirkan baik ia itu segar bersiram. Kuasa Undang itu ada-lah di-awasi dan terhad, di-hadkan dan di-kuatkan oleh Warith-nya, dan dia juga ada pula kuasa Pembatal-nya.

#### 4. UNDANG LUAK JELEBU (KUASA-NYA).

Sa-kecil2 anakbuah, Sa-Besar2 Undang, Tiada-lah orang lain yang mengatasi Kuasa Undang Itu. Hidup mati ada-lah kapada Undang, juga dalam hal lantekan sa-sa-orang pegawai-nya ia hanya membuat rojokan memberitahu penerimaan sahaja di-depan orang delapan-nya. Dengan kebulatan yang delapan boleh sa-sa-orang itu di-bunuh atau lain-nya. Akas-nya di-singkir atau di-terima. Ini-lah kuasa veto-nya (Pembatal). Undang mempunyai banyak kebesaran dan ada mahkamah keadilan adat-nya di-mana Adat berator bilang tertentu dan di-jalankan selalu-nya di-Balai Panjang-nya.

#### 5. DATO' DELAPAN.

Orang Delapan luak ini ia-lah Kepala2 warith dan suku2 di-sini ia itu dato'2 yang memegang kuasa untuk menjalankan adat mengikut perlembagaan-nya, jikalau kebulatan telah di-dapati, lalu-lah jika belom berunding lagi. Pada mereka terpulang keputusan akhir dalam perkara lantekan dan pechatan di-luak Jelebu. Mereka juga misti di-bawa berunding berkeman dalam semua perkara pentadbiran dan dasar perjalanan adat. Pada satu masa dulu bilangan mereka ada-lah sa-puluh kerana dato' Raja Di-Raja dan Dato' Lela Angsa bersama2 dalam-nya. Yang Ada delapan sekarang itu mewakili ahli2 asal-nya, oleh sebab Dato' Raja Di-Raja pun puncha-nya pechahan warith sarin dan Dato' Lela Angsa ada-lah oleh sebab ada-nya dari nisab Yamtuan Jelebu dahulu, apabila hilang, ia pun hapus dari balai Undang.

#### 6. ADA PUN GAJAH TUNGGAL ITU IA-LAH (UNDANG).

Yamtuan Jelebu itu pada masa ada-nya dulu ha-nya-lah Tampok Keadilan, sa-ekor Ular Besar di-beri makan oleh Undang ia itu Gajah Tunggal. Bagitu-lah saluran perlembagaan adat Luak Jelebu, dengan sechara amalan praktikal-nya atau kuatkuasa-nya yang orang Jelebu telah anuti hingga hari ini. Bersirat2 dan berjalan2 dan banyak pechahan2 tetapi penoh dengan kekayaan perbilangan dan peratoran yang berupa Pepatah Petitih dan peratoran, nilai kebudayaan dan kesenian yang maseh praktikal dan boleh menyelamatkan maanusia, bukan chara kuku besi hingga ka-hari ini adat ini di-amalkan dengan berpandukan muafakat. Senang sahaja jika di-susor dasar adat itu ta' berapa di-hormati oleh orang sekarang yang menganggap diri-nya progressive, ha-nya untuk pegangan lebeh daripada amalan hari2 ia-lah oleh sebab kepentingan kebendaan menjalar ka-dalam jiwa-nya. Tetapi adat Perpateh yang di-anggap Usang oleh pemuda pemudi sekarang itu tetap boleh berkembang sampai bila2 oleh sebab ia-nya mengutamakan muafakat yaani persesuaian yang sejati dari segala pehak, kerana satingkat yang menggunakan kuasa kuku besi akan hanchor juga akibat-nya sabagaimana yang kita lihat dan dengan kerajaan dan negeri2 serta raja2 besar di-dalam dunia hari ini. Rumusan-nya yang telah berjalan dan sedang berjalan dan akan di-jalankan itu ada-lah berchorak Demokrasi. Dengan memilih sa-orang wakil bagi tiap2 satu kaum atau suku maka suatu perlembagaan yang praktis boleh di-jalankan. Ini ada-lah kerana sesuatu kumpulan itu tiada boleh menguasai yang lain dengan berdasarkan bilangan kerana walau pun bilangannya banyak tetapi suara mereka ada-lah serupa dengan kumpulan yang ramai atau kecil-nya ia itu satu sahaja. Dengan ini lah datang-nya Kanunan Adat "Undang Jelebu Berkeadilan dan Berlembaga." Pendek-kata tiap2 kumpulan di-dalam luak ini ada-lah di-wakil dan dengan ini maka suara mereka dari semua golongan ada-lah kedengaran. Maka ada-lah di-ingatkan di-sini bahawa chara memutuskan se-suatu perkara itu hendak-lah dengan kebulatan, sebulat suara tidak dengan suara banyak atau ramai seperti yang pernah di-jalankan di-dalam pemerintahan Demokrasi Barat.

#### 4. UNDANG LUAK JELEBU (KUASA-NYA).

Sa-kecil2 anakbuah, Sa-Besar2 Undang, Tiada-lah orang lain yang mengatasi Kuasa Undang Itu. Hidup mati ada-lah kapada. Undang, juga dalam hal lantekan sa-sa-orang pegawai-nya ia hanya membuat rojokan memberitahu penerimaan sahaja di-depan orang delapan-nya. Dengan kebulatan yang delapan boleh sa-sa-orang itu di-bunuh atau lain-nya. Akas-nya di-singkir atau di-terima. Ini-lah kuasa veto-nya (Pembatal). Undang mempunyai banyak kebesaran dan ada mahkamah keadilan adat-nya di-mana Adat berator bilang bertentu dan di-jalankan selalu-nya di-Balai Panjang-nya.

#### 5. DATO' DELAPAN.

Orang Delapan luak ini ia-lah Kepala2 warith dan suku2 di-sini ia itu dato'2 yang memegang kuasa untuk menjalankan adat mengikut perlembagaan-nya, jikalau kebulatan telah di-dapati, lalu-lah jika belum berunding lagi. Pada mereka terpulang keputusan akhir dalam perkara lantekan dan pechatan di-luak Jelebu. Mereka juga misti di-bawa berunding berkeman dalam semua perkara pentadbiran dan dasar perjalanan adat. Pada satu masa dulu bilangan mereka ada-lah sa-puluh kerana dato' Raja Di-Raja dan Dato' Lela Angsa bersama2 dalam-nya. Yang Ada delapan sekarang itu mewakili ahli2 asal-nya, oleh sebab Dato' Raja Di-Raja pun puncha-nya pechahan warith sarin dan Dato' Lela Angsa ada-lah oleh sebab ada-nya dari nisab Yamtuan Jelebu dahulu, apabila hilang, ia pun hapus dari balai Undang.

#### 6. ADA PUN GAJAH TUNGGAL ITU IA-LAH (UNDANG).

Yamtuan Jelebu itu pada masa ada-nya dulu ha-nya-lah Tampok Keadilan, sa-ekor Ular Besar di-beri makan oleh Undang ia itu Gajah Tunggal. Bagitu-lah saluran perlembagaan adat Luak Jelebu, dengan sechara amalan praktikal-nya atau kuatkuasa-nya yang orang Jelebu telah anuti hingga hari ini. Bersirat2 dan berjalan2 dan banyak pechahan2 tetapi penoh dengan kekayaan perbilangan dan peratoran yang berupa Pepatah Petitih dan peratoran, nilai kebudayaan dan kesenian yang maseh praktikal dan boleh menyelamatkan maanusia, bukan chara kuku besi hingga ka-hari ini adat ini di-amalkan dengan berpandukan muafakat. Senang sahaja jika di-susor dasar adat itu ta' berapa di-hormati oleh orang sekarang yang menganggap diri-nya progressive, ha-nya untuk pegangan lebeh daripada amalan hari2 ia-lah oleh sebab kepentingan kebendaan menjalar ka-dalam jiwa-nya. Tetapi adat Perpateh yang di-anggap Usang oleh pemuda pemudi sekarang itu tetap boleh berkembang sampai bila2 oleh sebab ia-nya mengutamakan muafakat yaani persesuaian yang sejati dari segala pehak, kerana satingkat yang menggunakan kuasa kuku besi akan hanchor juga akibat-nya sabagaimana yang kita lihat dan dengan kerajaan dan negeri2 serta raja2 besar di-dalam dunia hari ini. Rumusan-nya yang telah berjalan dan sedang berjalan dan akan di-jalankan itu ada-lah berchorak Demokrasi. Dengan memilih sa-orang wakil bagi tiap2 satu kaum atau suku maka suatu perlembagaan yang praktis boleh di-jalankan. Ini ada-lah kerana sesuatu kumpulan itu tiada boleh menguasai yang lain dengan berdasarkan bilangan kerana walau pun bilangannya banyak tetapi suara mereka ada-lah serupa dengan kumpulan yang ramai atau kecil-nya ia itu satu sahaja. Dengan ini lah datang-nya Kanunan Adat "Undang Jelebu Berkeadilan dan Berlembaga." Pendek-kata tiap2 kumpulan di-dalam luak ini ada-lah di-wakili dan dengan ini maka suara mereka dari semua golongan ada-lah kedengaran. Maka ada-lah di-ingatkan di-sini bahawa chara memutuskan se-suatu perkara itu hendak-lah dengan kebulatan, sebulat suara tidak dengan suara banyak atau ramai saperti yang pernah di-jalankan di-dalam pemerintahan Demokrasi Barat.